

1883 - Uorden da pastiras

Uordens mavan en emblidanza, ni modas neschevan che fagevan encunter al generaleesser. Quei pretendeva d'adina puspei renovar, adattar ni midar ils uordens. Las pastiras da casa caschunavan adina puspei malaveglias denter vischins; ei fuva scart e mintgin mirava strentgamein pil siu. Aschia fixescha la vischnaunca contas vaccas tener a casa. - Ils vischins ston vischinar el liug da habitadi, mintga sera ston els vegnir a casa, ni star sin pastira sco tochen dacheu, pors e cauras stattan sil territori vegl, ils vadials han la libertad da saver ir nua ch'el possessur vul e quei cun ni senza pastur.

J.M.J. (Jesus Maria Josef)

Titl. vischins

Havend la ludeivla vischnaunca da **Tujetsch**, ils 23 da quest, giu legiu ord lur miez ina cumissiun da commembers ord tuts vischinadis per schar luvrar ora in modus, co duvrar e guder las pastiras da casa, sch'ei quella cumissiun stada ensemen ils 29 da quest a **Sedrun** ed ha, suenter haver ponderau la questiunada caussa e suenter haver priu en egl il general beinstar dalla vischnaunca, unitamein priu il conclus d'admetter alla ludeivla vischnaunca per schar quella approbar ni disapprobar il sequent:

Las pastiras da casa ein comunablas ed ord quella raschun ha scadin vischin da vischnaunca il dretg da guder ellas egualmein sco el vul.

Nuotatonmeins garegia la prudientscha che quellas pastiras vegnan gudidas cun in cert uorden.

1. La vischnaunca fixescha contas vaccas tener a casa.
2. Mintga vischin sto vischinar cun ses tiers da casa el liug, nua ch'el habitescha, in vischin jester sa vischinar en in auter vischinadi mo sch'ils vischins da quel ein cuntents.
3. Mintga sera ston las vaccas ni bos e stiarls da casa vegnir en igl agen vischinadi, ni silla pastira da quel sco fuva usitai entochen da cheu.
4. Cun ils pors e cauras stat mintga vischinadi sil territori vegl, quei vul dir sco igl ei stau usit entochen dacheu.
5. Ils vadials sa mintga vischinadi metter sillas pastiras da casa nua ch'el vul e quei sut pastur ni senza.

La cumissiun fa plinavon la proposiziun alla ludeivla vischnaunca da surschar il **Pardatsch**, ton da **Vaccas** sco da **Stiarls** en disposiziun dils vadials dall'entira vischnaunca e zuar san ins cheu metter sut pastur ni buc; appartenent ils cavals fa la cumissiun la proposiziun da prender si negins jasters ed ils cavals dalla vischnaunca schar star silla pastira da casa.

6. Essend igl uorden da vischnaunca da prender da part culs 24 da settember, sche duei mintgin saver ira cun ses tiers nua ch'el ha ils baghetgs, ni nua ch'el vul, aber mo sillas pastiras da casa.

7. Igl uorden cheu allegau propona la cumissiun d'empruar silmeins 2 onns.

8. Tgi pagar las spesas, ton da vischnaunca sco dil vischinadi da **Sedrun** pervia da quella fatschenta, quei vegn dau da far ora als signurs spirituals da vischnaunca.

Quels ein ils puncts, ils quals la cumission pren la libertad da metter avon ad ina ludeivla vischnaunca; il pareri ei buca sco biars desiderassen, aber da porscher in tal fuva la cumission buca el stan; ella ha encuret g da parter quei ch'era cheu sin ina moda e maniera che tut savess segidar; ord quella raschun fa ella la proposiziun alla vischnaunca d'acceptar el, cul giavisch ch'il vargau vegni emblidaus e che scadin vischin porschi il maun tier pasch, vivi e laschi viver e cheutras eviteschi novas dispetas, las qualas maglien ord nies cor la carezia proximala, ord nosa cassa ils daners.

Tujetsch, ils 30 da settember 1883
 La cumission predeliberonta dallas pastiras da casa

Che il sura pareri seigi sut datum dils 30 da settember 1883 legius avon sco scret sin publica vischnaunca ed approbaus talis e qualis senza ni reservas ni cundiziuns sco quel plaida ton da part dalla vischnaunca da **Tujetsch**, sco era dil vischinadi da **Sedrun**, attesta

Soliva Johann Anton, president communal

Tujetsch, ils 2 d'october 1883

L. A. T., Titl. Vischnaunca! *Uorden per pastiras da casa 1883* B.H.3.A.

Avond la luda *vischnaunca* dils 23 de quest gni legiu ord diu mig ina comission de commoars ord ludo *vischnaunca*, per shad luvrad ord in mediu, co durnar e guardar la pastira de casa, shad quella comission stada ensemen dils 29 de quest a Sedrun et ha, enunter avon ponderau la questionala cassa, e enunter avon pried en egl iel general beinster d'ella *vischnaunca*, *uniberein* pried il *conclus* d'accepter alla luda *vischnaunca*, per shad quella aprobad, mi disaprobad il sequent:

La pastira de casa ein comunabla, ed ord quella *vischnaunca* ha scadin *vischnaunca* de *vischnaunca* e chetj degader allas *apalamori*, sco el reel.

Quada tenmeing garezia (a) prudenta ha, che quella pastira vegnen guardada cum in cart uorden.

1. La *vischnaunca* face cha cantas mecas tenor a casa;
2. minchia vischin sto *vischin* *all'apalamori* dil *habitar* cum ses tiers de casa el lieu, ma ch'al *habitar* in vischin pasteri de vischin ord in artor vischin di mo shilo vischin de quel son *conclus*.
3. Minchia sera ston las mecas de casa vegnir ord iel apod vischnaunca. Se, mi uella pastira de quel son pried univan en barchon da cha.
4. Cund ils pers e pcuras ston minchia vischinadi sil *teritori*, vegl, q. v. d. *dis* *capitau* usi? en barchon *enchau*.
5. Ho radials se minchia vischin metter d'ella pastira de casa ma ch'el reel e quei sut pastira mi senza.

La comission fa planavou la proposiziun alla luda *vischnaunca* de shad shad il pasteri ton de vacca sus de stieils en d'opa *vischnaunca* d'ella radials dell'entira *vischnaunca* *appartene* in ch'u metter sut pastira mi luej *appartene* d'ella cavala fa la comission la *proposiziun* de prender si *magins* pasteri, ed d'ella cavala della *vischnaunca* shad star d'ella pastira de casa.

6. Esord uorden de *vischnaunca* de prender de pasteri culo a se de d'egl, che depi minchia *vischnaunca* ord sus tiers ma ch'el ha *uberms* d'ella *bagets*, mi ma d'ella reel, d'ella pastira de casa.



Alp Caschlè, davostier seniester il Péz Culmatsch ed il Péz Ner

1883 – Quen dallas spesas e dis impundi dalla cumissiun da vischnaunca durent la debata cun il vischinadi da Sedrun ei aschia


*Ella dispeta denter la vischnaunca e Sedrun digl avrel 1883 pren il Cussegl pign suandonta posiziun:
La vischnaunca Tujetsch vegn enviad'anavos cun sia pretensiun.
Igl ei caussa dalla vischnaunca, sco possessura dallas pastiras da casa da relaschar commensuradas ordinaziuns sur dil gudiment.
Il Cussegl Pign surlai als vischinadis da s'entelgir cun l'entira vischnaunca en quella caussa.*

1. Sep Flurin Berther	
Vegnius treis gadas da Trun a Tujetsch express a 12 frs. per ga	36 frs.
Scret treis gadas al Cussegl Pign, a 25 frs.	75 frs.
Per scriver quater brevs alla cumissiun	2 frs.
Dapli staus tschun gadas tier la cumissiun	9 frs.
Per francaturas da brevs	1.20 frs.
Scret al president Trun	1 fr.
	124.20
2. Gerau Lurenz Jacomet	
Giu spesas cibaria (<i>spisas</i>) dalla cumissiun	13.50 frs.
Dito per ir a Trun in ed in di a Mustér , giu spesas	6.10 frs.
Dapli francaturas	0.50 frs.
Staus 12 gadas tier la cumissiun	18 frs.
Per esser staus in di a Trun , in di a Mustér , in sigl archiv, in di a Camischolas	12 frs.
	50.10 frs.
3. Christian Muggli	
Per esser staus 11 dis tier la cumissiun	16.50 frs.
Per in di sigl archiv, in di tier la cumissiun da pasch, in di a Camischolas e per copiar giu la sentenza	12 frs.
	28.50 frs.
4. Stalter Lurenz Wenzin	
Staus 12 dis tier la cumissiun	18 frs.
Staus in di sigl archiv, in di a Camischolas	6 frs.
	24 frs.
5. Stalter Gion Paul Berther	
Spesas cibarias en sia casa entras la cumissiun	6 frs.
Ha pagau in express d'ira tier il president a Trun	3.50 frs.
Per 12 dis esser staus tier la cumissiun	18 frs.
Dapli in di sigl archiv, in di tier la cumissiun da pasch	6 frs.
	33.50 frs.
6. Gerau Vigielli Berther	
Per duas damondas tier il Cussegl Pign per suspensiun e francar	10.50 frs.
Per in di sigl archiv ed in di tier la cumissiun da pasch	6 frs.
	16.50 frs.
7. Stalter Stiafen Beer	
Per esser staus treis dis tier la cumissiun	9 frs.
Dapli in di sigl archiv	3 frs.
	12 frs.
8. Assistent Schmid	
Expensas d'ir a Trun e Sumvitg ed a Mustér e francaturas da brevs	11.50 frs.
Per 12 dis tier la cumissiun	18 frs.
Per in di sigl archiv ed in di a Camischolas , in di a Trun e Sumvitg , in di a Mustér	12 frs.
	41.50 frs.
Suonda il total	330.30 frs.
Per la cumissiun da vischnaunca Jacob Ant. Schmid	

1883 - Ils spirituals alla ludeivla vischnaunca

*Las spesas caschunadas pervia dil recuors denter vischnaunca e Sedrun muntan 330.30 frs. Tgi duei pagar las spesas fatgas si pervia dallas pastiras da casa? Ils signurs spirituals dalla val vegnan incumbensai d'anflar ina sliigiaziun!
Co cusseglian els ils vischins dalla val? Il document dat plaid e fatg!*

J. M. J. Jesus. Maria. Joseph.



Ils signurs spirituals alla ludeivla vischnaunca da Tujetsch

In conclus dalla ludeivla vischnaunca fatgs ils 23 da settember 1883, ha incumbensau ils signurs spirituals da vischnaunca da decider: Tgi duei pagar las spesas fatgas si pervia dallas pastiras da casa?

La medema vischnaunca ha era concludiu, che tuts quens fatgs pervia da quellas varts, seigien entochen igl 1. da november vegni dai en als signurs spirituals, il qual ei era daventau e zuar ha il vischinadi da **Sedrun** mess avon ina spesa da 307.90 frs., la vischnaunca 350.80 frs., pia ensemen 658.70 frs.

Ils signurs spirituals dalla vischnaunca, stai ensemen ils 9 da november digl onn current en casa farria, han priu en egl ils quens ad els admess, han ponderau las raschuns pertgei

quels seigien fatgs si, ed ha lura la maioritad da quels signurs, numnadamein 3, anflau per gest e dueivel, che la vischnaunca generala, quei ein tuts vischins da vischnaunca, dueien pagar ils deivets fatgs si da quellas varts e zuar sefundescha quella decisiun sin suandonta raschun:

La dispeta ei versada vid ina causa, la quala ei vegnida decidida per generala, da moda che negin ha dapli, negin da meins, tuts possedan tuttina;

sch'il vischinadi da **Sedrun** ei staus la part plongenta, sch'ei quel all'entschatta schon secartius da pretender per enzatgei, ch'el haveva il dretg;

il decuors dalla dispeta ha mussau si, che la part plongenta, ils vischins da **Sedrun** fuvan buca ord via, essend che la cumpetenta autoritad, il ludeivel Cussegl Pign ha decidiu: las pastiras ein comunablas;

ina spesa aber la quala ei fatga si per ina causa vid la quala tut ha part, duei era vegnir pagada da tuts, consequentamein ha la spesa da vegnir pagada ord cassa generala da vischnaunca.

Aschinavon sco buca tuts signurs spirituals ein stai dil medem meini, sche ha la vischnaunca da saver che la minoritad dalla cumissiun, representada entras igl aultreveriu signur beneficiat da **Rueras**, havess schau pagar las spesas giudizialas la vischnaunca, las autras mintga partida las sias.

La maioritad dalla cumissiun, ils 3 auters signurs spirituals, ein dil meini schon allegau, e la ludeivla vischnaunca ei aschia obligada da prender giu tuttas spesas ariguard quella fatschenta. Aschia eis ei concludiu e stabiliu.

Tujetsch en casa farria, ils 9 da november 1883

Ils signurs spirituals da vischnaunca

1883 - Cunvenziun culla „Blechmusic“

La Societad da musica Sedrun ei vegnida fundada igl onn 1875. Stiafen Schmed ha fatg igl emprendiment dirigent cun tschun musicants. Dapi l'entschatta han els giu ina greva posiziun finanziaria. Pils instruments vevan ei pagau 430 frs. Per saver amortisar quell'investiziun retscheivan els igl onn 1883 dalla vischnaunca in subsidi da 180 frs. cun differentas cundiziuns.

Cunvenziun cun la societad dalla „Blechmusic“ da Tujetsch

Fatga ils 18 da mars 1883 denter la ludeivla vischnaunca da **Tujetsch** e la societad dalla Blechmusic, era da **Tujetsch**.

Sin la istanza fatga sut sura datum da part dalla societad dalla Blechmusic da **Tujetsch** tier la vischnaunca per in subsidi, applicabel per l'amortisaziun dil capital da 430 frs., che la societad ha fatg si entras la procura da 7 instruments musicals sin via da cumpra, ha la vischnaunca concludiu da dar alla sura societad sin d'atun proxim, aber senza tscheins 180 frs., sco desiderau subsidi e quei sut sequentas cundiziuns:

1mo. Ils instruments dalla sura societad deigien cul di dad oz esser tuts esclusiva proprietad dalla vischnaunca da **Tujetsch**.

2do. Aschigleiti sco la allegada societad ei sesminuida en commembers, da maniera che quella sa buca producir la musica publicamein ed igl ei cheu avon maun neginas novas forzas per quella cumpletar e reorganisar cun qualificai persunals, deigien tuts 7 instruments cun era las musicalias che quella societad posseda, vegnir surdai senza negina bonificaziun ulteriura alla suprastonza da **Tujetsch**, la quala ha lura quels instruments musicals e musicalias da governar e conservar sco proprietad dalla vischnaunca per aschiditg ch'ei leva e s'organisescha lura puspei ina nova societad da musica.

3tio. Aschiditg sco la sura societad musicala exista, deigien ils menziunai instruments esser en cumpleina disposiziun da quella, quei ei per diever ed intent dalla musica, la quala ha da prestar ses survetschs sils dis da nossas fiastas ecclesiasticas senza honorars encunter.

4to. Deigi la societad era haver il cumplein dretg da remplazzar libramein sperditas da commembers extrai ord la societad conform beinmanegiar da quella entras qualificai persunals.

5to. Eis ei tschentau da part dalla vischnaunca alla societad la cundiziun, che quella astgi sut negins tetels prestar lur survetschs musicals sin e tier bals ni en ni ord vischnaunca.

Il sura attestan

Tujetsch, ils 19 da mars 1883

En num dalla vischnaunca

Soliva Johann Anton

Per la societad dalla musica, ils presents commembers da quella sezza

Carl Caveng

Joseph Antoni Biart


Adolf Caveng

Duri Batesta Huonder

Wigieli Josef Wenzin

Rest Valentin Beer


Thomas Berther



1884 - Terminaziun Alp Curnera e Maighels

L'Alp Curnera senza Maighels ei ida igl onn 1540 en possess dalla vischnaunca da Faido el Tessin. Ina terminaziun ei succedida il settember 1857 cul giavisch da puspei renovar ils tiarms suenter 10 onns, quei ch'ei schabegiau igl onn 1868. En quella terminaziun vegn in tiarm culla annada 1672 menziunaus. Cun 1884 suonda ina verificaziun dils tiarms denter Maighels e Curnera.

Mess per memoria ils cunfins e terminaziun dall'Alp Curnera e Maighels




1884, ils 18 d'uost, ein signur Lorenz Jacomet, signur Christian Muggli e president communal Johann Anton Soliva serendi en **Curnera e Maighels** e verificau ils tiarms denter l'**Alp Curnera e las Vals e Maighels**.

1. La terminaziun ellas **Vals** sil baun pli giudem grad sur l'aua da **Curnera** che consisteva ord ina crusch en in grep, sco sura indicau, havein buca anflau a motiv ch'ina entira massa da quei medem grep era sefatga libra e sbullanada giuadora. Cheu havein per munconza d'uaffens fatg vid quei grep duas cruschs cun color cotschna.

2. La terminaziun silla **Rabetscha** cuntegn mo ina crusch sil crap grond, enstagl duas sco era declarau avon.

3. Las outras ulteriuras terminaziuns havein anflau tut en bien stan talis e qualis sco avon declarau e lura scadina terminaziun refrestgentau e renovau cun color cotschna.


Il sura attesta
Soliva Johann Anton, president communal
Tujetsch, ils 20 d'uost 1884



Brev da 1881
Invitaziun da **Faido** da rugalar ils tiarms denter **Curnera e Maighels**

1884 - Uorden forestal

Igl empren uorden da 1853 fuva gia concepium en lungatg tudestg ed aschia era quel trenta onns pli tard, igl onn 1884. Els statuts (constituziun) dalla vischnaunca da 1866 (pag. 697) e 1880 (pag. 805) e lu era en la constituziun da 1889 (pag. 859) eis el d'anflar en versiun romontscha.



Correspondenza en connex cugl uaul, uorden forestal e forestalesser

Brev dil Cussegl Pign	26 da mars 1884	pert. igl uorden forestal
Brev dil Cussegl Pign	dils 19/20 schaner 1861	
Inspectorat forestal	brev dils 19 da schaner 1861	pert. Uorden forestal
Brev dil Cussegl Pign	dils 28 da december 1865	
Brev dil Cussegl Pign	dils 27 da november 1865	
Risposta alla regenza	silla brev dils 28 da december	
Brev dil Cussegl Pign	dils 12 da mars 1866	
Brev	dils 4 da fevrer 1866	pert. in castitg
Brev	dils 20 d'avrel 1878	pert. tutta lenna che vegn pinada
Classificaziun dils uauls 1880		